

## APPLICATION

- Ano ang nagiging hadlang sa paggamit sa iyo ng Diyos sa pagtulong sa mga tao? Paano mo maihahanda ang iyong sarili sa pangangaral ng ebanghelyo at sa paggawa ng mga bagay ng may pananampalataya sa Kanya?
- Sino ang maaari mong ipanalangin na gumaling sa isang karamdaman? Paano mo maisasapamuhay ang natutunan mo ngayon sa isang sitwasyon na kinakaharap ng iyong kapamilya o kaibigan?
- Paano mo maipapakita ngayong linggo ang iyong pagtitiwala sa kapangyarihan ng Banal na Espiritu?

## PRAYER

- Pasalamatan ang Diyos sa Kanyang kapangyarihan at presensiya sa iyong buhay. Ipanalangin na ikaw ay laging mapuno ng Banal na Espiritu at buong tapang mong maihayag kung sino Siya sa iyong buhay.
- Ipanalangin ang isang kapamilya o kaibigan na may sakit. Paniwalaan ang Diyos para sa kaniyang paggaling. Hilingin sa Kanya na gamitin ka upang makatulong sa pamamagitan ng kapangyarihan ng Banal na Espiritu.
- Ipanalangin na lagi kang magtitiwala sa Banal na Espiritu at na ikaw ay gagamitin ng Diyos sa tuwing magkakaroon ka ng pagkakataon na ipanalangin ang ibang tao, ipahayag ang ebanghelyo, at ipanalangin ang paggaling ng mga may sakit.



**VICTORY**

© 2015 by VICTORY®  
Reserbado ang lahat ng karapatang pag-aari.

Lahat ng sipi ay mula sa ANG SALITA NG DIOS®  
Karapatang Pag-aari © 2010 ng Biblica® Ginamit na may pahintulot  
mula sa Biblica Publishing & Distribution Foundation, Inc.® Reserbado ang lahat ng pag-aari.  
victory.org.ph



FILIPINO **WEEK 1**

## Ang Pangagamot sa Templo

## NOTES

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

## WARM-UP

- Mahilig ka bang magplano, o mas gusto mo ang walang plano? Bakit ang paraang ito ang gusto mo?
- Ano ang kadalasan mong tugon kapag ang isang plano ay nababago?
- Ilarawan ang isa sa mga pinakamalaking pakikipagsapalaran na ginawa mo? Paano nito napabuti ang iyong buhay

## WORD

<sup>6</sup>Pero sinabi ni Pedro sa kanya, “Wala akong pera. Ngunit may ibibigay ako sa iyo: Sa pangalan ni Jesu-Kristo na taga-Nazaret, lumakad ka!” <sup>7</sup>At hinawakan ni Pedro ang kanang kamay nito at pinatayo siya. Biglang lumakas ang kanyang mga paa at bukong-bukong.

**MGA GAWA 3:6,7**

Bilang mga mananampalataya, ang Banal na Espiritu ay ating natanggap nang tanggapin natin si Jesus bilang ating Panginoon at Tagapagligtas. Gayunpaman, hindi natin laging naiintindihan ang kapangyarihan o presensya ng Banal na Espiritu, at hindi natin laging nagagamit ang walang hangganang kakayanan Niya. Makikita sa aklat ng Mga Gawa ang iba’t-ibang pagkakataon kung saan nagawa ng mga disipulo ang mga bagay na kamangha-mangha, na magagawa lamang dahil sa Banal na Espiritu. Sa araling ito, ating matutuklasan ang tatlong mahahalagang aral mula sa paggaling na naranasan ng isang pilay na pulubi at kung paano tayo magagamit ng Banal na Espiritu.

## 1 Maging handa na magamit ng Diyos.

<sup>3</sup>Nang makita niya sina Pedro at Juan na papasok sa templo, humingi siya ng limos. <sup>4</sup>Tinitigan siya nina Pedro at Juan. Pagkatapos, sinabi ni Pedro sa kanya, “Tumingin ka sa amin.”

**MGA GAWA 3:3,4**

Sina Pedro at Juan ay papunta sa isang lugar nang kanilang makasalubong ang isang pilay na pulubi. Sa kaparehong paraan, maaari tayong magamit ng Diyos anumang oras o saanmang lugar, maging tayo man ay handa o hindi handa para dito. Bilang kanyang mga mamamayan, dapat nating magawang kilalanin ang mga pagkakataon na nangungusap sa atin ang Banal na Espiritu. Nagsisimula ito kung tayo ay ganap na nagpapasailalim sa Kanya at sa Kanyang kagustuhan. Bilang mga anak ng Diyos, paano tayo nakasisiguro na tayo ay Kanyang gagamitin? (Mga Taga-Efeso 2:10)

## 2 Maglingkod ng buong tapang.

<sup>5</sup>Tumingin ang lalaki sa kanila na naghihintay na malimusan. Pero sinabi ni Pedro sa kanya, “Wala akong pera. Ngunit may ibibigay ako sa iyo: Sa pangalan ni Jesu-Kristo na taga-Nazaret, lumakad ka!” **MGA GAWA 3:5,6**

Ang pilay na pulubi ay umasang makakatanggap ng pagkain o kaya ay limos upang mabawasan ang kanyang paghihirap. Hindi ito kayang ibigay nina Pedro at Juan. Sa halip, mas higit pa rito ang maaari nilang ibigay: kagalingan sa pangalan ni Jesus at sa pamamagitan ng kapangyarihan ng Banal na Espiritu. Sa kabila ng ating mga limitasyon, maaari tayong magtiwala na ang Banal na Espiritu ay higit pa sa lahat ng ating kailangan—at ang katotohanang ito ang magbibigay sa atin ng kakayanan na makapaglingkod ng buong tapang. Ano ang ibinigay sa atin ng Diyos sa pamamagitan ng Kaniyang Banal na Espiritu? (2 Timoteo 1:7)

## 3 Magtiwala sa kapangyarihan ng Banal na Espiritu.

<sup>7</sup>At hinawakan ni Pedro ang kanang kamay nito at pinatayo siya. Biglang lumakas ang kanyang mga paa at bukong-bukong.

<sup>8</sup>Tumayo siya agad at lumakad-lakad. Pagkatapos, sumama siya kina Pedro at Juan sa templo. Palakad-lakad at patalon-talon siyang nagpupuri sa Diyos. **MGA GAWA 3:7,8**

Si Pedro at Juan ay hindi nagtiwala sa kanilang kakayanan sa paggawa ng himala. Sila ay ganap na nagtiwala sa pagkilos ng Banal na Espiritu sa buhay ng pilay na pulubi, at siya nga ay gumaling. Ito ay nagbunga ng pagpupuri sa Diyos. Sa kaparehong paraan, tayo ay dapat lamang manalig sa Kanya at magtiwala sa lahat ng Kanyang ginagawa. Ano ang ipinangako ng Diyos sa sinumang tatanggap sa Kanyang Banal Espiritu? (Mga Gawa 1:8)